

### Bronnen

1. H. Noordhuis e.a., In Verdrukking, Verzet en Vrijheid, Borne 1995.
2. G.J.H. Kokhuis, Twente 1940 – 1945, Enschede 1975.
3. Annemarie Haak, IN: Bornse Courant, 31 maart 2005.
4. J. Kuipers, Dagboeken (v.e. ex-lid v.d. NBS), Gem. archief Borne.

**Vraaggesprekken met:** Henny Baartman; Betsy, Harry en Maria Beijen; Mw. M.G.E. van Harten-Fransen; Groep J.H. Kuiper, Te Riet, Struik en H.J.B.M. Velner; H.G. Rientjes; J.B. Smienk (waarbij zwager J.G.J. aanwezig was); Mw. Steneker.



## 't OALDSTE TRAPVEELD VAN BOORN

Biej 't oetveanten van "BOORN en BOERSCHOP", mos ik ok an 'n Beerninksweg wean en zodöanig kwam ik wier langs dat trapveeld. 't Lig d'r nog net zo as vuur ne kleane 65 joar; tusken de stroat en 'n spoordiek. 'n Mini, mini veeld, mear al joaren noe met echte goolpöale. 'k Stappen van de fietse of en leut miene gedachten wierum goan noar de tied van toen.

't Was 't iegen veeld van "'n Beerninksweg". De jongs van Leushoes, Kooiker, Groot Zevert, Oink, Gaanzeboom en zo nog 'n stuk of wat, lellen doar tegen nen versletten tennisbal



*'t Trapveeld an 'n Beerninksweg.*

an. 't Deankbeeldige kornepöalke lag nog gin tien meter van de gool, dee in dee tied bestun oet 'n stuk of wat jeskes. De grootte van de gool wödden bepoald duur de moat van 't veeld; met 'n twee meter ha-j 't wal had. Meestal was 't spöllen met "vliegende kieper", zodat 'n kloeten

bene nog groter wödden; want “woar ’n bal is, bint de jongs”, mear loat hen. D’r kwammen as vanzölfangepaste spölregels. ’n Kieper moech nich “oawer de helfte” oetscheten; as-j d’r nich bieje kon, dan was ’t al gauw “zit nich, ’n bal was te hooge”. D’r wödden ok bepoald, “achteroet spöllen en an boetenspel, doar-doo-w nich an”. “Dree moal korne pengeltie”; zoargen vuur de meeste goals. Nen vriejen trap wödden meestal of doan met “’t was aneschöten hens”. “Achterbal” en ’n bal ophalen, gaf effen wat röst. Nog zo wat; ’n pengeltiestip wödden “ofpast”, halverwege, was “dreaien” of “ruilen”, en as de lol d’r of was of ’t ettenstied wödden, was de petiej oflopen.

In Boorn ha-j nog meer van de “stroatklupe”, dee zo of en too tegen mekaar ne petiej “annammen”. “De Bleek”, “De Hengelose- en de Grotestroat”, “’n Ennekerdiek”, “De Rooie Lap”, “De Pletteriej”, “’t Kleigat”, “’n P.H.weg” en “De Keamp”, scheidt mij nog zo wier duur ’n kop. Wiej, “De Zwaluwen”, jongs van de Almelsestroat en umtrek, wiej spöllen op “’t tweede Boornveeld” an ’n Möllenkaampsweg”.

Oawend an oawend schoppen groot en klean doar, tot ’t duuster was, tegen nen bal an. Meestal dea-w petiejkes onder mekaar; wiej hadden joa “man zat”. ’t Gun wal met “ofpassen en petiejkiezen”. Dat oale “Boornveeld” is al lang vot en met al den bouw kö-j hoast nich meer angewen woar ’t noe precies leagen hef.

En dan nich te vergetten ’t treffen van “De Groten”, “’t Eerste”, tegen de potige jongs van “’n Es”. Voetbal zat d’r nich völ an, mear zee hadden nen leren “binnen- en boetenbal”; dat weug, letterlijk en figuurlijk. Nen bal met “’n titje en nen leren veter”; loodzwoar. Den “angenömmen wedstried” gung dan oawer ’t hele veeld; dan mos ie “em slim halen”, dat mo-j. ’t Gun d’r dan harre an too. Mear ’t plearen doeren meestal nich zoo heel lang. ’t Was nog wal rap ’n moal ’nnul of tien. Dat “’n Es “’t an de nnten kreeg was duudelijk, en doar konnen zee nich tegen. Zoonder oawerleg sleut ’n grootsten ’n bal onder ’n aarm en trok de hele koppel wierum op “’t Oale Zeekenhoes” an. Eande wedstried.

An ’n Beerninksweg wödt nod altied spölt. De jongs hoowt nich meer bang te wean vuur nen leren veter. Met dee plastieken balle van rechtevoort geet ’t ok völ better. “3 Moal korne pengeltie” is ok oet de tied. Plezeer hebt de jongs nog wal, en doar geet ’t um. Mien deanken geet efkes met mij an ’n löp. “Zol dat historische “mini, mini trapveeld” an ’n Beerninksweg wat wean vuur de bescheurde Boornse Monumentenliet”?

Nen auto glidit mij aardig kot langs de hoed hen. “Dreumen in de tied” wödt geveurlijk. Ik stap op. De gedachten mear wier “Biej de weg”, dat liekt mij better.

Johan Kwast.